

## **Igls meis da december 2019 ò la suprastanza communal tracto tranter oter igls affars suandonts:**

### **Lubientscha da biagier:**

- Lubientscha da biagier a Peter Horisberger per sanaziun termica digl tetg, dus lucarnas ed ena finestra aint igl tetg, treis balcungs cuverts, nr. parc. 3162, Veia Curvanera 5, Savognin.

### **Surdadas da lavours:**

- Cun las lavours da planisaziun pertutgont la furmaziun digl areal Grava a Savognin è neida incumbensada la Uffer SA.
- Cun la planisaziun an connex cugl project d'investiziun per sanar la Veia La Motta a Parsonz è neida incumbensada la Planisaziun Sonder SA.
- Cun la planisaziun an connex cugl project d'investiziun «renovaziun totala punt Lecsch» è neida incumbensada la ARGE Luzio/Sonder.
- La planisaziun pigl preproject per la sanaziun digl reservuar a Sur (vischnanca) è neida surdada alla Planisaziun Sonder SA.
- Las lavours da planisaziun an connex cugl project per sanar igls conducts d'ovras d'ava sen l'alp Flex a Sur è neidas surdadas alla Sonder SA.
- Cun la planisaziun an connex cugl preproject per sanar igl reservuar a Lueras a Salouf è neida incumbensada la Planisaziun Sonder SA.

### **Ulteriours affars:**

- Concedia ena contribuziun da fr. 150'000.00 à fonds perdu agls «Impianti elettrici Bivio» per metter sot tera las lengias da tensiun media a Bivio.
- Decidia da sa participar cun fr. 30'000.00 agls costs da construcziun dall'installaziun sanitara digl cumegn da Silvaplana sen igl pass digl Gelgia.
- Delibero igl credit da radond fr. 96'000.00 per la compra d'ena maschina da lavar cun pressiu ota.
- Piglia posiziun tar la revisiun parziala dalla lescha da gôt cantunala.

Tinizong, igls 14-01-2020

Suprastanza communal Surses